

Caulis pedalis vel sesquipedalis sæpius simplex rarius ramo laterali uno alterove instructus infernè striatus, folia inferiora 3-4 pollices longa  $\frac{3}{4}$ -1  $\frac{1}{2}$  pollicem lata, capitulum magnum diametro 2-2  $\frac{1}{2}$  pollices latum, involucri phylla 12-15 lineas longa basi 2 lineas lata. Pulchra species inter omnes foliorum latitudine et formâ distinctissima.

**PODOSPERMUM CARIENSE** Boiss.

P. biennne, caule erecto parcè ramoso glabrescente, foliis elongatis pinnatipartitis, rachi longissimâ linearî, lobis elongatis patulis deflexisve linearî-subulatis acutis apice lanato-penicillatis cæterùm glabris sub lente margine scabridis, foliis supremis abbreviatîs laciniis capillaribus, capitulis longè pedunculatis, involucri infernè lanato-nivei squamis lanceolatis obtusiusculis externis dimidiò brevioribus apice lanato-penicillatis internis glabrescentibus, flosculis exterioribus involucro duplò longioribus.

Hab. in *Cariâ* ubi æst. 1843 legit Chr. Pinard.

Caulis sesquipedalis, folia 6-9 pollicaria costâ mediâ 1-2 lineas lata ultrà ultimas lacinias sæpè tres pollices longâ, laeiniæ pollicares lineas  $\frac{1}{2}$ -1 latæ. Capitula magnitudinis *Scorzonerae villosæ*.

Pulchra species pulvinulis lanæ albæ ad apicem laciniarum et involuci squamarum sitæ, laciniarum longitudine et angustie notabilis; a *P. calcitrapifolio*, *laciniato* et affinibus cæteris neglectis floribus involucro duplò longioribus nec hoc vix superantibus diversa. Hoc charactere ad *P. Jacquinianum* accedit quod radice perenni fasciculos steriles edente nec bienni a meo longè recedit.

**SCORZONERA CARIENSIS** Boiss. (Sect. *Euscorzonera* DC.)

S. parcè araneoso-pubescent sæpè glabrescens multicaulis, radice elongatâ tuberosâ, caulis brevibus simplicibus aut basi dichotomis foliosisque ascendentibus, foliis radicalibus oblongis in petiolum attenuatis, caulinis lanceolatis, omnibus apice attenuatis undulato-sinuatis margine tenuissimè crispulis, capitulis longissimè pedunculatis nudis, involucri glabri squamis lanceolatis obtusis membranaceo-marginatis, flosculis luteis involucrum paulò superantibus, achæniis glabris stria-